

ACTA

Expediente nº:	Órgano Colexiado:
JGL/2025/11	A Xunta de Goberno Local

DATOS DE CELEBRACIÓN DA SESIÓN

Tipo Convocatoria	Ordinaria
Data	28 de marzo de 2025
Duración	Dende as 13:12 ata as 13:42 horas
Lugar	Sala de Reunións
Presidida por	Paula Mª Fernández Pena
Secretaria	Déborah García Suárez
Interventor	Leopoldo Moure Dopico

ASISTENCIA A SESIÓN

Nome e Apelidos	Asiste
Estefanía Taín Surribas	SÍ
Manuel Requeijo Rey	SÍ
María Asunción García Hernández	SÍ
Mónica González Conde	SÍ

Unha vez verificada pola Secretaría a válida constitución do órgano, a Presidenta abre sesión, procedendo a deliberación sobre os asuntos incluídos na Orden do Día

A) PARTE RESOLUTIVA

Aprobación da acta da sesión anterior: 21.03.2025

Favorable

Tipo de votación: Unanimidade/Asentimento

A Xunta de Goberno Local, por unanimidade, acorda prestar aprobación á seguinte Acta: - 21 de marzo de 2025.

Expediente 416/2025. CONVENIO DE COLABORACIÓN ENTRE O CONCELLO DE SILLEDA E A ENTIDADE “ASOCIACIÓN CULTURAL FESTA DOS CALLOS” PARA O ANO 2025

Favorable

Tipo de votación: Unanimidade/Asentimento

Vista a labor que realiza a Asociación Cultural Festa dos Callos.

Visto que a entidade volve a organizar o vindeiro 26 de abril a Festa dos Callos, así como actividades complementarias arredor desta cita gastronómica e cultural, que cumpre 10 anos.

Visto o necesario apoio do Concello de Silleda a este tipo de iniciativas, para a promoción e difusión da gastronomía, cultura e turismo do municipio.

Vista a modificación do anexo de subvencións nominativas que foi publicado no BOP de Pontevedra nº 30 do 13 de febreiro de 2025

Visto que transcorrido o prazo de 15 días da aprobación inicial non se presentaron alegacións e o acordo se aprobou definitivamente.

Visto o informe favorable do persoal funcionario do departamento municipal de Cultura, Turismo, Deporte e Comunicación

Visto o convenio proposto que se transcribe a continuación:

**CONVENIO DE COLABORACIÓN
ENTRE O CONCELLO DE SILLEDA E A ENTIDADE “ASOCIACIÓN CULTURAL FESTA DOS CALLOS”
PARA O ANO 2025**

En Silleda, na data da sinatura electrónica

REUNIDOS

Dunha parte, D^a . **Paula María Fernández Pena**, actuando como Alcaldesa-Presidenta no seu nome e en representación do **Concello de Silleda**, con CIF 3605200-I.

Doutra parte, D. **Evaristo Rey Conde**, con D.N.I. nº 76801625W, como representante legal e en calidade de Presidenta da entidade **Asociación Cultural Festa dos Callos**, con CIF G-56833718

Dando fe do acto, a Secretaria Xeral da Corporación, Déborah García Suárez.

Todas as partes recoñécense mutuamente, na calidade na que interveñen, con capacidade e competencia suficiente para o outorgamento do presente Convenio de Colaboración e,

EXPOÑEN

I) Que as Entidades Locais, en canto Administracións públicas poden celebrar convenios de colaboración con entidades privadas.

II) Que no artigo 22.2.a) da Lei 28/2003, xeral de subvencións recóllese a posibilidade de concesión de forma directa das subvencións previstas nominativamente nos orzamentos das entidades locais.

III) Que no artigo 28 da Lei 38/2003, xeral de subvencións configúrase o Convenio como instrumento habitual para canalizar as subvencións previstas nominativamente nos orzamentos das entidades locais.

En base a todo o que se acaba de expoñer subscribese o presente Convenio de Colaboración coas seguintes

CLÁUSULAS

PRELIMINAR: *A entidade beneficiaria da subvención acompaña no momento da firma do presente convenio a seguinte documentación:*

- NIF/CIF da entidade ou asociación beneficiaria ou NIF das persoas a nome das cales se apertura a conta corrente na que se situarán os fondos, de ser o caso (Cláusula terceira).*
- Declaración responsable de atoparse ao corrente coas súas obrigas tributarias e fronte á Seguridade Social.*
- Declaración responsable de non estar en ningún suposto de incapacidade ou incompatibilidade para a percepción de subvencións ou axudas públicas.*
- Designación de número de conta bancaria.*

PRIMEIRA: *Que a finalidade do presente Convenio é a regulación do outorgamento dunha subvención nominativa.*

SEGUNDA: *Que a actividade subvencionada consiste nas actividades relacionadas coa FESTA DOS CALLOS.*

TERCEIRA: *O Concello de Silleda comprométese a aportar a cantidade de 400,00 € con carácter prepagable, debendo inescusablemente xustificarse con posterioridade nos termos que se especifican máis adiante no presente Convenio. Esta cantidade será abonada nunha conta aberta nunha entidade financeira a nome da entidade/asociación beneficiaria. Cando por razóns de índole técnica, administrativa ou outras debidamente xustificadas a apertura da devandita conta sexa imposible, poderá abonarse a cantidade nunha conta bancaria aberta ó efecto como mínimo por dous membros da Entidade beneficiaria.*

CUARTA: *O presente Convenio de colaboración terá vixencia ata o remate de todo o procedemento de fiscalización da xustificación da aplicación dos fondos percibidos en concepto de subvención e a aprobación da conta xustificativa presentada pola entidade beneficiaria.*

QUINTA: *Gastos subvencionables: Considéranse gastos subvencionables aqueles que de maneira indubitada respondan á natureza da actividade subvencionada (definida na cláusula segunda deste*

convenio), e que se realicen no prazo establecido.

SEXTA: Segundo o establecido no artigo 31.2 da Lei 38/2003, Xeral de Subvencións, entenderase gasto realizado o que fose efectivamente pagado pola entidade beneficiaria da subvención con anterioridade á finalización de período de xustificación.

SÉTIMA: Son obrigas dos beneficiarios:

- 1.- Realizar as actividades para as que se concede a subvención.
- 2.- Só serán subvencionables as actividades realizadas en galego, tanto oral como escrito, segundo o disposto na lexislación vixente (disposición adicional da Lei 3/1983, do 15 de xuño, e Decreto 173/1982, do 17 de novembro), e nas normas ortográficas e morfolóxicas aprobadas pola Real Academia Galega na sesión plenaria do día 12 de xullo de 2003). Os proxectos subvencionables respectarán rigorosamente a toponimia oficial de acordo co preceptuado no artigo 10 da citada Lei 3/1983, o 15 de xuño, de normalización lingüística.
- 3.- Dar unha adecuada publicidade á actividade indicando que a actividade subvencionada conta co financiamento do Concello de Silleda.
- 4.- Xustificar perante o Concello de Silleda o cumprimento dos requisitos e condicións que sexan esixibles segundo a normativa aplicable, así como a realización das actividades para as que se cocede a subvención.
- 5.- Someterse ás actuacións de comprobación e control que sexan requiridas polos órganos municipais.
- 6.- Comunicar ao Concello de Silleda a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, antes da xustificación da aplicación dada aos fondos percibidos.
- 7.- Acreditar con anterioridade a ditarse a resolución de concesión que se encontra ao corrente do cumprimento das obrigas tributarias e fronte á Seguridade Social.
- 8.- Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable, ou no seu caso, os estados contables que garantiren o adecuado exercicio das facultades de comprobación e control.
- 9.- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de control e comprobación.
- 10.- Proceder ao reintegro dos fondos públicos percibidos nos supostos contemplados no artigo 37 da Lei Xeral de Subvencións.

OITAVA: Xustificación:

A xustificación do cumprimento das condicións impostas e da consecución dos obxectivos previstos na concesión da subvención documentarase a través da rendición da conta xustificativa, que constitúe un acto obrigatorio da entidade beneficiaria, no que se deben incluír, baixo a responsabilidade do declarante, os xustificantes do gasto ou calquera outro documento con validez xurídica que permita acreditar o cumprimento do obxectivo da subvención.

Esta conta xustificativa deberá recoller:

1. Facturas reglamentarias (con todos os requisitos esixidos polo R.D. 1496/2003) ou documentos do valor probatorio equivalente no tráfico mercantil.

2. Unha memoria na que se declararán as actividades realizadas que foron financiadas coa subvención, e o seu custo, co desglose de cada un dos gastos nos que incorra.

3. Certificado asinado pola persoa responsable da entidade beneficiaria de que a subvención se destinou aos mesmos fins para os que foi solicitada e concedida.

4. Certificados de estar ao corrente coas obrigas tributarias e coa Seguridade Social.

5. No seu caso, certificado das subvencións concedidas para a mesma finalidade.

Nesta conta xustificativa deberá quedar suficientemente acreditado que os gastos subvencionados foron efectivamente pagados pola entidade beneficiaria.

A presentación da conta xustificativa realizarase, como máximo, **ata o 21 de outubro do presente ano, sen posibilidade de prórroga.**

NOVENA: Reintegro. Procederá o reintegro da subvención sempre que concorran as circunstancias reguladas nos artigos 36 e seguintes da Lei xeral de subvencións.

DÉCIMA: En materia de infraccións e sancións administrativas as partes remítense ao preceptuado nos artigos 52 e seguintes da Lei Xeral de Subvencións.

DÉCIMOPRIMEIRA: O presente convenio ten natureza administrativa. A xurisdición contencioso-administrativa será a competente para o coñecemento de posibles cuestións que poidan suscitarse como consecuencia do mesmo.

Polo Concello.

A Alcaldesa-Presidenta

Asdo. Paula María Fernández Pena

Pola Entidade.

A Representante.

Asdo. Evaristo Rey Conde

A Secretaria

Déborah García Suárez"

Polo exposto, a Xunta de Goberno Local, ao abeiro das competencias delegadas pola Alcaldesa na resolución do 31 de xaneiro de 2024, **ACORDA:**

PRIMEIRO: Aprobar o Convenio de Colaboración entre o Concello de Silleda e a Asociación Cultural Festa dos Callos do ano 2025, cun importe de 400 euros, e que asinarán a alcaldesa, Paula Mª Fernández Pena, en representación do Concello, e o presidente da entidade, Evaristo Conde Rey.

SEGUNDO: Dar conta do presente convenio ao departamento de Intervención.

Expediente 349/2020. Licenza ou Autorización Urbanística. Devolución ICIO

Favorable**Tipo de votación:** Unanimidade/Asentimento

Visto que pola Xunta e Goberno Local, en sesión celebrada o 01 de setembro de 2023, acordouse conceder a Dona MARÍA ROSA ALÉN PENA, licenza de obras de Vivenda Unifamiliar sita na Rúa María Colmeiro nº 22, Silleda (Referencia catastral 1874503NH6217S0001OZ); de acordo ca documentación que deu lugar ó informe favorable da arquitecta técnica, Verónica González Chavez, na data 21 de xuño de 2023.

Visto que mediante escritos con Rexistro e Entrada 2024-E-RE-1978, de data 11 de decembro de 2024 e 2024-E-RE-2041 de data 19 de decembro de 2024, preséntanse por Javier López Taboada, en representación de María Rosa Alén Pena, escritos solicitando devolución do ICIO da licenza anteriormente mencionada, adxuntando manifestación expresa de María Rosa Alén Pena, onde indica que “O proxecto conforme a licenza concedida do expediente 349/2020 non se vai executar”, asinada con data 18 de decembro de 2024.

Visto que con data 22 de xaneiro de 2025, polo Arquitecto Técnico Municipal, Elías González Roma, emítese o seguinte informe:

“1. ANTECEDENTES:

1.1. Consta no expediente autorización de representación de María Rosa Alén Pena para Javier López Taboada, “...para que me represente ante o Concello de Silleda e calquera outro organismo onde sexa necesario para a tramitación de SOLICITUDE DE DEVOLUCIÓN DE ICIO...”, asinada con data 09 de decembro de 2024.

1.2. Consta no expediente instancia xeral asinada por Javier López Taboada, en representación de María Rosa Alén Pena, presentada con rexistro de entrada 2024-E-RE-1978 do día 11 de decembro de 2024, no que expón “Foime concedida licenza para a rehabilitación dunha vivenda na Rúa María Colmeiro nº22 de Silleda. Non vou a realizar as obras segundo a licenza concedida. Expediente 349/2020” e solicita “Se me devolva o importe do ICIO abonado para a licenza - Expediente 349/2020”.

1.3. Consta no expediente achega de documentos asinada por Javier López Taboada, en representación de María Rosa Alén Pena, presentada con rexistro de entrada 2024-E-RE-2041 do día 19 de decembro de 2024 no que expón “O 11 DE DECEMBRO SEGUNDO O REXISTRO 2024-E-RE-1978 REALICEI UNHA SOLICITUDE DE DEVOLUCIÓN DE ICIO. ADXUNTO UNHA MANIFESTACIÓN EXPRESA DE QUE NON SE VAN A REALIZAR AS OBRAS POLAS QUE FOI ABONADO O ICIO” e solicita “SE TEÑA POR PRESENTADA A DOCUMENTACIÓN E SE CONTINUÉ COA TRAMITACIÓN PARA A DEVOLUCIÓN DO ICIO”.

1.4. Consta no expediente manifestación expresa de María Rosa Alén Pena, onde indica que “O proxecto conforme a licenza concedida do expediente 349/2020 non se vai executar”, asinada con data 18 de decembro de 2024.

1.5. Consta no expediente xustificante do pagamento das taxas do día 24 de febreiro de 2020, por un importe de 2.489,78 €, en concepto de ICIO e Informe técnico. **O importe do ICIO aboado corresponde a cantidade de 2.429,78 €.**

2. INFORME:

2.1. Xirada visita o día 21 de xaneiro de 2025 ás inmediacións da vivenda que se pretendía rehabilitar, verificase que a vivenda non foi rehabilitada. No anexo fotográfico da páxina 2 deste informe axúntase reportaxe fotográfica do estado actual da vivenda.

2.2. Por tanto infórmase **favorablemente a devolución de 2.429,78€** en concepto de ICIO e proponse a adopción do acordo de revogación da licenza concedida en Xunta de Goberno Local do día un de setembro de dous mil vinte e tres, que consta no expediente electrónico 349/2020.

3. ANEXO FOTOGRÁFICO:



Fotografía 1: Vista xeral do estado da vivenda dende a fachada principal (Rúa María Colmeiro), na data 21/01/2025.



Fotografía 2: Vista xeral do estado da vivenda dende a fachada posterior (Rúa Tras das Eiras), na data 21/01/2025."

Polo exposto, a Xunta de Goberno Local, ao abeiro das competencias delegadas pola Alcaldesa na resolución do 31 de xaneiro de 2024, **ACORDA**:

Primeiro.- Proceder a devolución do importe do ICIO aboado en data 24 de febreiro de 2020, corresponde a cantidade de 2.429,78 €.

Segundo.- Notificar este acordo a Intervención Municipal e a solicitante María Rosa Alen Pena.

FOD - Expediente 477/2025. Contratacións. "MELLORA DE CAMIÑOS MUNICIPAIS EN RELLAS, SILLEDA"

Favorable

Tipo de votación: Unanimidade/Asentimento

Inclusión por urxencia Expediente 477/2025

Toma a palabra a Sra. Presidenta, para explicar a urxencia da proposición incluída na orde do día da presente Xunta de Goberno Local.

De conformidade co disposto no artigo 91.4 do RD 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, sométese a votación a urxencia da inclusión na orde do día do presente asunto co seguinte resultado:

Votos a favor: unanimidade

A Xunta de Goberno Local, por unanimidade dos membros presentes, ACORDA prestar aprobación a inclusión da presente proposición na orde do día da Xunta de Goberno de data 28 de marzo de 2025.

Vistos que distintos camiños municipais da parroquia de **RELLAS**, sofren un deterioro de relevancia tal que xustifican a necesidade de levar a cabo as accións que se determinan no proxecto redactado por Don Román Gómez Fraiz.

Visto que para tal fin foi redactado o proxecto técnico correspondente, polo enxeñeiro D. Román Gómez Fraiz, con data de 20 de marzo de 2025, e cun presuposto base de licitación de 127.121,87€

Visto que consta no expediente o informe sobre as autorizacións sectoriais necesarias para a execución das obras.

Visto o informe no que se establece que a obra non afecta á estabilidade, seguridade e estanqueidade da obra, e que a o orzamento base de licitación do contrato de obras non é igual ou superior a 500.000 euros, IVE excluído, non resulta necesaria a supervisión do proxecto de

conformidade co disposto no artigo 235 do LCSP.

Visto que consta no expediente a acta de trazado previo, cumpríndose os requisitos establecidos pola normativa vixente.

Visto que , en consecuencia, pode procederse a iniciar o correspondente expediente de contratación para a execución das obras conforme á normativa de contratación do sector público.

Polo exposto, a Xunta de Goberno Local, ao abeiro das competencias delegadas pola Alcaldesa na resolución do 31 de xaneiro de 2024, **ACORDA**:

PRIMEIRO. Aprobar o inicio do expediente de contratación da obra denominada " MELLORA DE CAMIÑOS MUNICIPAIS EN RELLAS, SILLEDA ", conforme ao proxecto redactado por D. Román Gómez Fraiz.

SEGUNDO.- Ordenar que se redacten os correspondentes pregos de cláusulas administrativas particulares que rexerán o contrato e o proceso de adxudicación.

TERCEIRO.- Solicitar á Secretaría municipal que proceda a emitir informe xurídico preceptivo relativo a aprobación dos pregos de cláusulas administrativas particulares, de conformidade co artigo 122.7 da Lei 9/2017, de 8 de novembro, de Contratos do Sector Público, e da Disposición Adicional Terceira da Lei 9/2017, do 8 de novembro, de Contratos do Sector Público

CUARTO- Solicitar á Intervención municipal que se proceda á fiscalización do contido de ditos Pregos de Cláusulas Administrativas Particulares, aos efectos previstos no apartado 3 da Disposición Adicional Terceira da Lei 9/2017, de 8 de novembro, de Contratos do Sector Público.

B) ACTIVIDADE DE CONTROL

Non hai asuntos

C) ROGOS E PREGUNTAS

Non hai asuntos

DOCUMENTO ASINADO ELECTRÓNICAMENTE

Concello de Silleda